



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀ

30.01.2019թ.

ք. Երևան

ՈՐՈՇՈՒՄ թիվ 020642/01-Փ
ՎԱՐՉԱԿԱՆ ԱԿՏԸ ՓՈՓՈԽԵԼՈՒ ՎԵՐԱԲԵՐՅԱԼ

Ես՝ ՀՀ պետական եկամուտների կոմիտեի նախագահ Դավիթ Անանյանս վերահսկողության կարգով և իմ նախաձեռնությամբ վերանայելով ՀՀ ՊԵԿ իրավաբանական վարչության պետի վարչական իրավախախտման գործի վերաբերյալ 03.12.2018թ-ի թիվ 020642/01 որոշումը և վարչական իրավախախտման վերաբերյալ թիվ 20642 գործը.

ՊԱՐԶԵՑԻ

Համաձայն ՀՀ պետական եկամուտների կոմիտեի փոքր հարկ վճարողների հարկային տեսչություն-վարչության 10.08.2018թ. թիվ 4103953 ակտի <<ԷՄ ԲԻ ԶԻ ԳՐՈՒՊ>> ՍՊԸ (<ՎՀՀ՝ 00157032) տնօրեն Կարեն Մարգարյանը (Հասցե՝ ք.Երևան, Մոսկովյան 28, 171) առանց ՀՀ օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի կնքման պահել է 78 (յոթանասունութ) վարձու աշխատող:

Նկարագրված արարքի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169⁵ հոդվածով:

ՀՀ ՊԵԿ իրավաբանական վարչության կողմից նշված դեպքի առթիվ հարուցվել է վարչական վարույթ: Գործի քննության արդյունքում 03.12.2018թ-ին կայացվել է վարչական իրավախախտման գործի վերաբերյալ թիվ 020642/01-Վ որոշումը և համաձայն Վարչական իրավախախտումների վերաբերյալ ՀՀ օրենսգրքի 169⁵ հոդվածի 2-րդ մասի Կարեն Մարգարյանի նկատմամբ կիրառվել է վարչական տույժ՝ նշանակվել տուգանք 7.800.000 (յոթ միլիոն ութ հարյուր հազար) դրամի չափով:

Կարեն Մարգարյանի կողմից կատարված արարքը Վարչական իրավախախտումների վերաբերյալ ՀՀ օրենսգրքի 169⁵ հոդվածի 2-րդ մասի հատկանիշներով որակելու համար հիմք է հանդիսացել այն հանգամանքը, որ Կարեն Մարգարյանը Վարչական իրավախախտումների վերաբերյալ ՀՀ օրենսգրքի 169⁵ հոդվածով նախատեսված խախտումը՝ վերջին մեկ տարվա ընթացքում կատարել է երկու անգամ, մինչդեռ Վարչական իրավախախտումների վերաբերյալ ՀՀ օրենսգրքի 169⁵ հոդվածի 2-րդ մասը պատասխանատվություն է նախատեսում նույն արարքը վարչական տույժի միջոցներ կիրառելուց հետո՝ կրկին անգամ մեկ տարվա ընթացքում կատարելու համար:

Թիվ 20642 գործի վերանայման արդյունքում հայտնի է դարձել, որ Կարեն Մարգարյանի կողմից Վարչական իրավախախտումների վերաբերյալ ՀՀ օրենսգրքի 169⁵ հոդվածով նախատեսված խախտումը՝ առաջին անգամ կատարելու համար վարչական տույժի միջոցները կիրառվել են ՀՀ ՊԵԿ իրավաբանական վարչության պետի 16.11.2018թ-ի թիվ 380698/15 որոշմամբ, իսկ նույն տարվա ընթացքում կատարված երկրորդ նման խախտումը արձանագրվել է ՀՀ ՊԵԿ փոքր հարկ վճարողների հարկային տեսչություն-վարչության 10.08.2018թ-ի թիվ 4103953 ակտով՝ նախքան առաջին անգամ կատարված իրավախախտման համար վարչական տույժի միջոց կիրառելը, հետևաբար նախկինում կատարված արարքի համար վարչական տույժի միջոցները կիրառվել են երկրորդ խախտումը արձանագրելուց

հետո, ուստի տվյալ դեպքում պետք է կիրառվեր Վարչական իրավախախտումների վերաբերյալ ՀՀ օրենսգրքի 169⁵ հոդվածի 1-ին մասը, այլ ոչ թե 2-րդ:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով՝

ՈՐՈՇԵՑԻ

Հայաստանի Հանրապետության պետական եկամուտների կոմիտեի իրավաբանական վարչության պետի 2018թ. դեկտեմբերի 3-ի վարչական իրավախախտման գործի վերաբերյալ թիվ 020642/01-Վ որոշման մեջ (այսուհետ՝ Որոշում) կատարել հետևյալ փոփոխությունները.

1. Որոշման <<Պարզեցի>> մասի 2-րդ պարբերությունը շարադրել հետևյալ խմբագրությամբ՝ <<Կարեն Մարգարյանի կողմից վերջին մեկ տարվա ընթացքում վարչական տույժի միջոցներ կիրառելուց հետո կրկին անգամ նման իրավախախտում չի կատարվել, ուստի կատարված իրավախախտման համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169⁵ հոդվածի 1-ին մասով>>:

2. Որոշման <<Պարզեցի>> մասի 13-րդ պարբերության <<169⁵ հոդվածի 2-րդ մասով>> բառերը փոխարինել <<169⁵ հոդվածի 1-ին մասով>> բառերով:

3. Որոշման <<Որոշեցի>> մասի 2-րդ կետը շարադրել հետևյալ խմբագրությամբ <<Համաձայն Վարչական իրավախախտումների վերաբերյալ ՀՀ օրենսգրքի 169⁵ հոդվածի 1-ին մասի՝ Կարեն Մարգարյանի նկատմամբ կիրառել վարչական տույժ՝ նշանակել տուգանք 3.900.000 (երեք միլիոն ինը հարյուր հազար) դրամի չափով>>:



ԴԱՎԻԹ ԱՆԱՆՅԱՆ